

LE CINQVIESME  
BABILLARD

D V

TEMPS  
EN VERS  
BURLESQUES.



A PARIS,  
Chez NICOLAS DE LA VIGNE,  
près Saint Hilaire.

---

M. DC. XLIX.  
AVEC PERMISSION.









LE CINQVIESME  
BABILLARD

D. V

TEMPS  
EN VERS  
BURLESQUES.



OV R A G E, il nous faut cajoller,  
Et mieux que iamaïs babiller,  
Et icy chanter & dire,  
Que quasi hors de martyre  
Nous croyons estre assurement,  
Voyant vn si bon changement,  
Malgré le mal-heureux langage  
De ceux qui ont dict que les passages  
E stoient bouchez des ennemis,  
Ceux là ne nous estoient amis  
Qui venoient dire ces nouvelles,

872304

944.03

M475m

No. 556



Qui n'estoient ny bonnes ny belles:  
 Mais sçavez-vous bien qui c'estoit  
 Qui ces comptes nous raportoït,  
 Ce sont de ces Monopoleurs,  
 De ces Larrons, de ces Volleurs,  
 Qui desireroient que la Ville,  
 Hommes, garçons, femmes & fille  
 Fussent peris dedans vn feu.  
 Voyla leur priere & leur vœu:  
 Mais mal gré eux & leurs audace,  
 Le bon Dieu nous fera la grace  
 De vaincre ceux qui veulent mal  
 A Paris, & le Cardinal  
 Pour certain a beau faire & dire,  
 Il faut qu'il meure en martyrre,  
 Ainsi le dict Nostradamus,  
 Et le Grand Polyphenus  
 Dans trois ou quatre Centuries,  
 Et ie croy bien que les furies  
 Son ame bourelent desia  
 Bien plus que ne fait Margaja.  
 Il faut reprendre mon discours,  
 C'en'est pas pour parler d'amours,  
 C'est pour vous faire icy entendre  
 Que les Boulangers sans attendre  
 Sont fournis de bleds & fromens  
 Pour vous faire de bons pains blancs,  
 Que l'on vendra à bon marché,  
 De cecy aucun n'est fâché,  
 Il y a beaucoup de mes amis  
 Qui sont las de manger pain bis:  
 Mais à present dorefnauant  
 Il en pourront manger de blanc,  
 L'on en voit dessus la Boutique,  
 I'estime fort ceste praticque,  
 Foy de veritable François,



Je voudrois qu'à tout iamais  
 Il fust ainsi dorefnauant,  
 Pour soulager les pauures gens,  
 A propos les petits enfans  
 Serefoüiront maintenant  
 Les Paticiers font des gateaux,  
 Des grands, des petits & des beaux:  
 Comme ils auoient accoustumé,  
 Cela est bien a estimer:  
 Car il y a bien quinze iours  
 Que les gasteaux n'ont plus de cours,  
 Cecy sont des discours d'enfans,  
 Disons des propos plus eloquans,  
 Parlons du Prince de Conty,  
 Qui de valeur est afforty,  
 De beauté & de bonne grace  
 Autant que Prince sans falace.  
 Tous les iours il va aux trauaux  
 Auec les autres Generaux,  
 Où il met tous ses gens en ordre,  
 Ne permettant aucun desordre,  
 Fait trauailler fort promptement,  
 Aux lignes & aux retranchements,  
 Pour empescher aux ennemis  
 De faire ce qu'ils ont promis,  
 A ce Diable de Cardinal  
 Qui est pire qu'un cheual,  
 Puis qu'il ne veut pas reconnoître  
 Ceux qui ont causé qu'il est Maistre,  
 Dont pour luy auoir fait honneur  
 Ils en sont presque à malheur:  
 Mais parauant quinze Dimanches  
 Ils en pourront tirer reuanche:  
 Car nostre armée est bien complete  
 D'infanterie belle & leste,  
 Mesme sans faire brauerie,



Nous auons belle caualerie,  
 Lesquels sont tous bien montez,  
 Enharnachez & esquipez,  
 D'où la Ville en est bien contente:  
 Mais nos ennemis l'espouuante  
 Ont pris sçauuez-vous comment,  
 On leur a mandé vrayement  
 Que ce Grand Archiduc Guillaume,  
 Autrement Leopold se nomme,  
 Vient avec quantité de gens,  
 Vualons, Crauates & Allemans,  
 Qui ont iuré, chose asseurée  
 De bien-tost reduire en fumée  
 Le Cardinal, si desormais  
 Bien-tost ne veut faire la Paix,  
 Et desia leur armée auance,  
 Puisqu'ils sont entrez dans la France,  
 Sans faire aucune hostilité,  
 Dont chacun est bien contenté,  
 Mesme il a mandé vne lettre  
 A Mademoiselle, sans obmettre,  
 La suppliant qu'à ceste fois  
 Elle se porta pour la Paix,  
 Et qu'elle fit tout son pouuoir,  
 Mettre la Reyne à son deuoir,  
 L'on dit qu'elle y est bien portée,  
 Et le bruit & la renommée  
 Court que la Reine vrayement  
 Demande accommodement.  
 D'autre ont dict que de Condé  
 Desire ce iour sans tarder,  
 Que l'on veille liurer bataille.  
 Si cela se fait, toute sa canaille  
 Pourra bien quitter l'ornement,  
 Les bagues & demyseings d'argent  
 Qu'ils ont pris à ces pauures femmes,



N'est-ce pas pour eux vñ grand blasme,  
 De passer plustost pour voleurs  
 Que non pas pour des gens de cœur  
 Car ils ont pillié les Eglises  
 Et mis les hommes en chemise  
 Sans auoir aucune pitié,  
 Estant pires plus de moitié  
 Que ne seroit pas le Tartare,  
 Le Turc, Sarazin & barbare,  
 Mais voicy leur chastiment  
 Qui approche certainement  
 Car pour vray le Duc de Longueuille  
 A vne armée bien gentille  
 Qui est logée à ce iour  
 A Roüen dedans le fauxbourg,  
 Et ils s'en vont prendre leur marche  
 A tirer iusque au Pont de l'Arche  
 Pour s'assembler ce me dit on  
 Auec monsieur de matignon.  
 Cependant au pays du Maine  
 On si arme chose certaine,  
 Et les petits & les grands  
 Les gens de mestier & Marchands  
 Y veulent tous chose asseurée  
 Ce iour composer vne armée:  
 Bref desia plus de huit mille  
 D'humeur tres-gaillarde & gentille  
 Ont promis que le Mazarin  
 Poura, bien passer par leur main,  
 S'il y passe qu'il prenne garde  
 A ce bien fournir de Moutarde,  
 Car ils ont tres-bien de la chair,  
 Que l'on n'achette pas trop cher  
 Ca, ça, quitons la Normandie,  
 faut à present que ie vous die  
 Qu'à ce coup deuers Bordeaux



On arme hommes & Cheuaux  
 Pour & au nom de la Commune  
 Promptement tanter la fortune,  
 Et ont iuré par leur serment  
 Qu'ils seront pour le Parlement,  
 Comment disent-t'ils de courage  
 Souffrirons nous qu'on face outrage  
 Au plus illustre Parlement  
 Qui soit deffous le firmament,  
 Nenny nenny ie vous assure  
 Qu'aucun de nous ne se pariure,  
 Nous sommes tous prests de mourir,  
 Et le parlement secourir.  
 Voila comme chacun se porte  
 A nous defendre de la sorte  
 Nous en deuons tous en ce lieu  
 Bien humblement remercier Dieu.

FIN.